



Hr. Inatsisartunut ilaasortaq Malik Berthelsen,
Siumut
Maani

Namminersorlutik Oqartussanut inuttassarsiuussilluni ussassaarisarnerit pillugit Naalakkersuisunut apeqquummut akissuteqaat

Naalakkersuisoqarfimma ulloq 6. oktober 2009 Namminersorlutik Oqartussanut inuttassarsiuussilluni ussassaarisarnerit pillugit Naalakkersuisunut apeqquutit tigu-simavaa.

1) Namminersorlutik Oqartussat sulisussarsiorneranni Sermitsiaq AG-lu allagarsiisarnermi atorunnaarlugit, Qallunaat nunaanni sulisussarsiorarfii atulernerisigut sipaarniarneq Naalakkersuisut tunngavigisimanerlugu?

2) Sermiatsiakkut AG-kkullu allagarsiisaarnermiit Qallunaat Nunaannut allagarsiisarlernerimi qanormita akitigut nikingatigippat?

1-mut akissut)

Soorunami suli sulisussarsiornerneq kalaallit tusagassiorfii atornerqartarput. Tamanna ullumikkut AG-mut aamma Sermitsiamut ukiumut ataatsimut sinaakkusiussatut isumaqatigiissuteqarnikkut pisarpoq. Sinaakkusiussatut isumaqatigiissutit matussuserneqartarput tusagassiorfimmuut ataatsimut isumaqatigiissutugalugit atorfiit aalajangersimasunik amerlassusillit. Sulisussarsiuussisarlunili ussassaarutit sinaakkusiussatut isumaqatigiissut naapertorlugu pissusaat allanngornikuupput. Tamanna pisoq sipaarniarneq pissutigerpiarlugu pisarpoq, tassunga ilanngullugit allaffissornikkut sipaarniuteqarnissamik Inatsisartut aalajangiussarisimasaasa piviusunngortinneqarnissaat. Tassunga atatillugu pingaartuuvoq aviisinut nassiussisarnermi tapersiisarneq pillugu oqallinnermut aamma ussassaarutitik suliarinnitarnarup imminnut akulerutsinnginnissaat. Taaneqartoq kingulleq siunertaqangilaq tusagassiorfiit ingerlatsinerinut tapiissuteqartarnissaq, kisiannili inuttassarsiuussinermi aningaasat ikinnerpaat atorlugit annertunerpaamik sunniutissamik angusaqarniarneq.

Nalinginnaasumik isumaqatigiissutip kinguneraa, aviisinut marluusunut ussassaarutit annertusaat ilusilersorneqartarmata innersuussisarnermik ussassaarinertut taaneqartartunik naqqinneqarlutik saqqummersinneqartartunut aalajangersimasunik amerlassusilerlugit, suliffissanut qarasisaasiatigut atassuteqaatit tassunga atasumik suliffiit ilisarnaataannik ikkussuisarneq aamma nittartakkatigut saqqummersitsisarnerit.

Innersuussisarnermik ussassaarutit www.nanoq.gl-mut innersuussisarput, tassani tamakkiisumik inuttassarsiuussilluni saqqummersitaq takuneqarsinnaasoq.

Dato: 19. oktober 2009
Postboks 1037
3900 Nuuk
Oq/tel +299 34 50 00
Fax +299 32 46 14
oed@gh.gl
www.nanoq.gl

Taamatuttaaq sipaarniuteqarneq sammineqarpoq qallunaat tusagassiorfiini inuttassarsiuussisarnernut tunngatillugu. Taamaattumik aamma tassani suliffissarsiuussisarnermik ingerlatsiviit ukiumik ataatsimik sivilissusilimmik sinaakkusiussatut isumaqatigiissuteqarfigineqarsimapput. Taamatut isumaqatigiissutip kingune-raattaaq, internet aqputigalugu tusagassiorfinnut assigiinngitsunut allanut anner-tuumik matussusiissinnaassuteqartunut inuttassarsiuussilluni iserfigineqarsinnaa-sut ivertinneqartarnerat.

Tamakku saniatigut inuttassarsiuussilluni ussassaarisarnerit atorneqartarput ilisi-masalinnut aviisini assigiinngitsuni ilinniakkatigut ilisarnaatinut sammitinneqartut soorlu nakorsanut, peqqissaasunut, aningaasaqarnikkut ilisimasalinnut, inatsisiliri-tuunut il.il.

2-mut akissut) Taamaattumik Kalaallit Nunaanni Danmarkimilu inuttassarsiuussil-luni ussassaarinernut akit toqqaannartumik sanilliunneqarsinnaanngillat tunniunne-qartartut imarisaasaa assiginngitsuunerat pissutigalugit aamma qinnuteqaateqar-sinnaasut qassit nunani taakkunani marlunni ussassaarinikkut anguneqarsinnaa-nersut pillugit.

Allaffissornikkut ilisimasartuujunngitsunik sulisussarsiuussilluni atorfiit annertu-saannut tunngatillugit taamaallaat Kalaallit Nunaanni saqqummiunneqartarput. Atorfiilli annertunersaat Namminersorlutik Oqartussani inuttassarsiuunneqartartut allaffissornikkut ilisimasartuutut atorfiusarput. Tassanilu misilittakkatigut pisariaqar-titsisoqartarpoq tamakku danskit tusagassiorfiisigut inuttassarsiuunneqartarnissaat sunniut annertunerpaaq angusinnaajumallugu.

Taamaasilluni kissaataavoq aningasat killillit atugassarititaasut pitsaanerpamik atorniarneqarnissaat maani nunatsinni suliffeqarnerup ilarujussuani maannakkor-piaq inuttassarsiuussinikkut ajornartorsiutit naammassiniarniarlugit. Naallu titarner-nut millimeterimut ataatsimut immaqa akikinnerugaluartoq atorfiit inuttaqanngitsut kalaallit tusagassarsiorfiini saqqummiunneqartarnissaat danskit tusagassiorfiiniun-ngitsoq, aningaasaqarniarnikkut akisussaanerussanngilaq ataatsimut isigalugit atorfiit maanni nunami kisiisa inuttassarsiorneqartassappata.

Ussassaarisarneq pillugu kalaallit aamma danskit ingerlatseqatigiiffiinik sinaakku-siussatut isumaqatigiissutaasut ingerlaavartumik nalilerneqartassapput qulakkeer-niarlugu, akivitsigut pimoorussisuunerat aamma kissaatigineqartumik sunniuteqar-tuunerat.

Neriuppunga taamaasiornikkut apeqputigineqartut akisimassallugit.

Inussiarnersumik inuulluaqqusillunga

Palle Christiansen
Aningaasanut Naalakkersuisoq